

2001-12-13
kioskoa**Pantxike Agirre**

Frantzia eta ETA

«Espainian entzutera eman nahi dutena ez bezala, frantsesak ez dira azken aste hauen zain egon euskaldun-espainol separatista batzuek daramaten terrorismoaren salatze-ko». Frantziarren justifikazio horretan ari dena, **Le Monde** egunkaria da. Atzoko alean, orrialde osoko erreportaia eta editoriala eskaini zizkion ETAr eta Euskal Herriko gatazka politikoari. Paue ondoko azken tiroketen ondotik «Polizia kezkatzen» dela titulatu zuen.

Erreportaiari lotu marrazkiak laburbiltzen du, **Le Monde**-n ustez zergatik gertatu diren tiroketa horiek. ETAr kide bat zuzendaritzari mintzo zaio: «Zin egiten dut ez dudala inoiz ene burua harrapatzen utziko...» Frantses egunkariak jarraera aldaketa hori Frantzia eta Espainiaren arteko «kooperazioaren azkartzearekin» lotu zuen. Egoera horrek ETAr buruzko eta Espainiako Gobernuaren jarrerari buruzko berte gogoeta batzuetara bultzatu du egunkaria. Julen Madariagaren elkarrizketa proposatu zuen atzokoan, baita ere ETArren historiaren atal nagusien azalpena. «Espainiako Gobernuaren ETArren kontrako gurutzada» titularrakiko artikuluan, azken urteetako operazioak (HBren aurka batez ere) gogora ekarri zituen. «Haatik—dio **Le Monde**-n editorialak— Espainiako sektore batzuek, prentsaren kanpaina baten bitartez, Euskal Herri espainoleko biztanleen %50 baino gehiagok autodeterminazioaren alde bozkatzeko dutela ezabatzeko egiten duten ahaleginak ez dauka zentzurik. Separatismoaren arazoa ixiltzeak, sektore horrek nahiko lukeen bezala, ez du kentzen, ez eta ere konponbidea laguntzen. Eta arazoa aipatzeak ez du ETArren terrorismoaren gaitzespena ahultzen».

euskaldunon 3.423. zenbakia
Egunkaria

Ohorezko Lehendakaria: Martin Ugalde**Administrazio Kontseiluko Lehendakaria:** Joan Mari Torrealdai**Kontseilari Ordezkarria:** Inaki Uribe**Zuzendaria:** Martxelo Otamendi**Gerentea:** Mikel Sorozabal**Publizitatea:** Idoia Sanz**Egoitza Nagusia:** Martin Ugalde Kultur Parkea 20140 Andoain Tel.: 943300222
Erredakzio faxa: 943300255-943590354 Publizitateko faxa: 943300707**Webgunea:** www.egunkaria.com**Posta elektronikoa:** egunkaria@egunkaria.com**Publizitatea:** publi@egunkaria.com

Batzorde Parekidea: 72664 E. Lege Gordailua. SS 800/90 ISSN 1134-640X
OJDK IKUSKATURIKO HEDAPENA

ORDEZKARITZAK ■ **Araba:** San Antonio, 20-1 ezker. 01005 Gasteiz
Tel.: 945233872 Faxa: 945233873 Publizitatea: Tel.: 945131965**Nafarroa:** Irabie Monasterioa, 45-13. esk. (Irritzidorra) 31011 Iruñea
Tel.: 948178078-79 Faxa: 948178077 Tel.: Publizitatea: 948176686**Bizkaia:** Egia Jenerala, 3-behea. 48010 Bilbo Tel.: 944104046 Faxa: 944103715
Tel.: Publizitate Orokorra: 944701199-80 Publizitate Lokala: 944701114**Lapurdia, Nafarroa Beherea, Zuberoa:** Pelletier 35, 1 503 Posta
kubxatila, 64100 Baiona Tel.: 559593575 Faxa: 559257511

martintxo



hizpideak

Gutxiengoa nagusi

Atutxaren erabakiz, eta ez gehiengoaren sostenguagatik, lortuko du Jaurlaritzak aurrekontuen tramitazioaren lehen urratsa gainditzea. Biharko bilkuran parlamentario gehiago izango dira aurrekontu proiektua Jaurlaritzari itzultzearen alde, aurka baino, baina Atutxak bozkatzeko molde ezohikoa—baina legezkoa— baliatzea erabaki duenez, gutxiengoan daudenek—EAJ, EA eta IU— irabaziko dituzte bozketak. PPK, PSEk eta Batasunak aukera badute aurrekontuak atzera botatzeko, baina horretarako bata bestearen proposamenaren alde bozkatu beharko du eta hori, us tekabe handirik ezean, ez da gertatuko. Aurrekontuak onartu arteko bidea luzea izango da, ordea, eta bide horretan oposizioko talderen baten konplizitatea beharko du, derrigorrean, Jaurlaritzak.



Gamesako langileak protestan, aurreko egunetako argazkian.

Gamesako gatazka Lan Ikuskaritzaren eskuetan

Gamesako lan gatazkaren inguruan EAEko Lan Ikuskaritzak eman beharko du azken hitza atzo langileek Jaurlaritzaren bitartekaritza plana ez onartu ostean. Azken emaitza 261 boz aurka eta 195 alde izan zen. Hori ikusirik, Gamesako zuzendaritza sindikatuarekin bildu eta adierazi zien ez zegoela prest negoziazioekin aurrera egiteko. Ondorioz, aurretik iragarritako erregulaziorako 183 espedienteak igorri dizkio gaur Lan Ikuskaritzari eta honek 15 egunen buruan eman beharko du azken ebazpena. Ikusi beharko da aurten %139ko irabaziaz izan dituen enpresaren kaleratzeak onartzen dituen edo ez.

Frantziak hizkuntz politika aldatu behar du

Hizkuntza gutxituak babesteko eta hizkuntza horien irakaskuntza zabaltzeko eskatu dio Frantziari Nazio Batuetako Giza Eskubideetarako Goi Komisariatuaren batzorde batek. Frantziako Gobernuak, berdintasun printzipioaren aitzakitan, ezin du ukatu gutxiengoek existitzen dutela. Frantziak bermatu behar du gutxiengoaren hizkuntzak, euskara tartean, babesteko neurriak hartuko direla. Ez da lehenengo aldia Frantziak gisa horretako *aholkua* jasotzen duela nazioarteko foruetatik. Horrek erakusten du, askotan Euskal Herriatik salatu den bezala, Frantziak aplikatzen duen hizkuntz politika erabat okerra eta hizkuntza gutxituen kontrakoa dela.

Miguel Zugaza Bilboko Arte Eder Museoko zuzendari zeneko garaian.



Zugazaren erronka berria

Bi hilabete ez dira Bilboko Arte Eder Museoak atea berriro zabaltu zituenetik, txiki geratzen ari ziren instalazioak zabaltu eta gaur egungo beharretara birmoldatzeko proiektu sakon bat gauzatu ondoren. Miguel Zugaza zuzendariak tajututako proiektua zen, moldez eta mamiz, Arte Eder museo berria garatzen eta fruituak ematen ikusteko astirik ez du izan durangarrak, Madrilgo Prado museoko zuzendari karguaren eskaintza onartzera *behartuta* ikusi baitu bere burua. Izan ere, edozein pinakotekatako buruak amets lezakeen kargua da Prado museoko zuzendariarena, eta Zugazak ere ezin izan dio uko egin. Arte Eder museoan bezala, Prado museoaren eraldaketa prozesua gidatu beharko du orain.